

近代中國史料叢刊續編第六十五輯
沈雲龍主編

征西紀略
曾毓瑜著

文藻出版社
有限公司
印行

近代中國史料叢刊續編第六十五輯
沈雲龍主編

西寧軍務節略

奎順輯

文海出版社

有限公司

印行

近代中國史料叢刊續編第六十五輯
沈雲龍主編

新疆伊犁亂事本末

袁大化著

文海出版社

有限公司

印行

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



中華民國六十八年七月出版

近代中國史料叢刊續編

第六十五輯

精裝：十冊

定價：新台幣



主編者：沈

雲

龍

發行人：李

振

華

臺北縣永和鎮中興街99巷8號

出版者：文海出版社有限公司

郵政劃撥戶第二七八四號

電話：九二一六五九
三四一六九二八號

印刷者：東南印製廠有限公司

台北市西園路294巷15弄17號

經銷者：全省各大書局

行政院新聞局出版事業登記證局版台業字第〇四四九號

曾毓瑜著

征西紀略

奎
順
輯

西
寧
軍
務
節
略

袁大化著

新疆伊犁亂事本末

征西紀畧序

昔周宣王時玁狁孔熾侵鎬及方至於涇陽王迺命尹吉甫載白旆薄伐玁狁至於太原今讀六月一篇未嘗不想見其元戎啓行之際織文烏章之盛而歎一時文武俊畧爲弗可及也今陝甘各回爲玁狁遺種而其風氣之獷悍習尙之詭秘兼以舊教新教之蠱毒煽誘與宣王時之玁狁殆不啻倍蓰及其乘機輿起又有髮捻飢民叛勇之黨附勾結始涇陽延及於塞外各境而以金積堡爲歸宿巢穴高壘臨雲怒馬沸川多隆阿殫力於前楊岳斌經營於後萃一時精兵猛將與之角逐馳騁而旋滅旋起曾莫能息其兇焰而斷絕其根株及左文襄至視軍凡山川之險易民賊之良莠以及兵勇之強猛退怯全算在胸而首用趙充國金城屯田策且耕且戰俾後路無虞而前敵有所恃以自固然後率湘楚各軍奮其武勇積數十年抗顏拒

命反覆靡究之回一掃而蕩平之而西域爰以底定偉矣哉雖詩所稱文武萬邦爲憲之吉甫曷有加焉但其事畧太史書之其成績太常紀之而其軍情變幻曲折纖悉容有軼於耳聞目見之外者非躬在行間莫能究其情狀殫其始末湘鄉曾君幹襄橐筆有年迺於肉林血海冰天雪窖中舉所聞見者一一縷載而詳稽之且於文襄籌策之方區畫之畧悉條貫乎其中俾後之從事西陲者有所考以自鏡焉斯可謂洞機宜之鈎鈐識時務之俊傑也已光緒二十年歲次甲午大雪前五日黃岡洪良品序於京師宣武城南之古榆閣

征西紀畧卷一

湘鄉曾毓瑜撰

陝甘靖寇記上

咸豐同治間寇事曰髮逆曰捻逆曰回逆髮捻蹂躪十數行省而陝甘各回因髮捻波連而起始終未越黃河以南調軍征勦潰亂頻興洎髮捻蕩平挽東南各省之兵與餉全力注之且撫且勦而始定前後用兵凡十有二載攷

國朝順治中涼州回有米喇印丁國棟之變乾隆間循化回有馬明心新教徒黨蘇田之亂官軍先後致討皆未及期年而平從未有勞師燁武若今日者蓋漢回讐怨其所由來遠矣閒嘗慕游秦隴長老往往言漢回構釁之由戰陳之所既而陟天山踰蔥嶺游覽西域三十六國遍歷平定陝甘之湘楚豫皖隴蜀諸軍從耆老宿將後得益

聞當日 廟謨將畧兵形賊勢之詳閒有軍情軼事未悉見諸奏報
案牘者不爲紀之曷以備甄探是以詳攷往牒參酌見聞著爲陝甘
靖寇記俾經世家得以覽焉

同治元年春三月川寇藍大順竄陝犯漢中陷洋縣佛平廳藍大順
者咸豐九年與李短搭倡亂雲南昭通蹂躪四川者也至是爲川軍
追勦竄陝而粵寇結捻寇入武關窺西安全陝震動時陝兵多赴援
外省巡撫瑛棨令副都統烏蘭都等領八百兵進討四月與粵捻戰
於三兆敗績寇遂趨藍田陷渭南殺知縣曹士鶴陷華州出潼關及
渭南華州同復而回寇旋起回自唐平安史亂後留兵駐陝相傳教
祖曰阿丹生於天方之野孿產七十二胎每胎男女各一自爲妃耦
當隋開皇中有穆罕默德者創爲清真教其著曰天經衆皆奉之雜
居中國千數百年生息蕃庶稱漢人曰大教自曰小教以習尙絕殊

往往齟齬相讐殺視爲固然者久矣是年春華州回漢閩逐回擊眷
走渭南詭言漢民將盡殲回種以煽衆會耀州漢民謀火回村學正
孫敦曾勸止而回自焚村莊以誣漢民由是衆回大譁時回巢巨者
曰王閣村曰羌白鎮屬同州附郭大荔曰倉渡鎮屬渭南回種赫明
堂任五者嘗倡亂雲南謀泄亡匿倉渡鎮至是乘機煽亂潛造軍火
旗幟各回皆聽命焉八女井漢民團萬人備之爲土豪李樹德解散
越數日回屠八女井并火之樹德走免時陝疆方困於粵捻及聞回
變省中文武驚惶不知所措五月派員勸導回漢息爭渭河南北團
練大臣張芾等任之同州各屬臬司劉鴻恩等任之其良回願遵諭
而奸回逼脅從逆不則聚而屠之旬日間焚掠紛起張芾與臨潼知
縣繆樹本同日遇害當芾之辦團也頗信任渭南回勇團紳趙權中
切諫弗聽至是回勇果叛權中被禽死回攻同州知府朱元慶等城

守九晝夜回連陷渭南高陵華州華陰圍西安時省城守軍陝西提督孔廣順甘肅提督馬德昭陝安鎮閻丕敏而德昭驍敢戰六月屢戰失利官軍奪氣初 穆宗命荊州將軍多隆阿率提督雷正綰援陝多隆阿方牽於漢南各寇 上又命欽差大臣勝保及直隸提督成明七月成明擊賊渭南敗退朝邑回遂圍涇陽犯三原攻咸陽撲鳳翔八月勝保軍入潼關會雷正綰解西安圍 詔勝保專督陝西軍雷正綰以陝西提督副之閏八月會破回於咸陽九月川寇犯盩厔郿縣遣軍擊走之於是雷正綰留咸陽裨將成祿援涇陽而勝保還西安偕將軍穆騰阿援同州方勝軍未赴同州時回以計給潼關協哈連陞擁至王閣村奪其營壘軍械撲朝邑攻澄城犯郃陽至是勝軍亦困城下運道梗塞其部衆半降捻且缺額不敢出戰糧垂盡勢幾殆矣十一月多隆阿師至同州圍始解方多軍之援陝也途遇

粵寇陳得才擒寇姜汰凌張落荆三路窺陝多乃兼程進破陳得才於荆紫關敗姜汰凌於商南三路寇沮退至是由河南入陝乃詔勝保還京以多隆阿爲欽差大臣兼領其衆汰疲弱核軍實

二年正月遂破王閣村羌白鎮殺回萬餘俘獲無算計回變以來至此始受大創奉 詔嘉獎時回圍西安攻鳳翔 詔瑛棨援鳳翔奏遣副將王夢麟三月喪師還西安復 詔馬德昭又以留護省城奏聞 上怒瑛棨擁兵自衛革職遣戍以藩司張集馨護印又 命四川藩司劉蓉巡撫陝西並督前遣援陝川將蕭慶高何勝必等萬三千人先援漢中漢中自川寇藍大順踞洋縣勾引粵寇陳得才等十數萬衆逕圍郡城陝西藩司毛震壽師久無功漢中道府先後病死存者惟都司縣令而已八月何勝必等軍又敗退城中旬懼遂開北門出走陳得才入踞漢中東取城固西鄉石泉以逼興安而藍大順

北取盩厔以窺西安郎中李雲麟進軍山陽收鎮安西攻石泉十月
劉蓉進軍廣元 朝議重西安促多隆阿攻盩厔隆阿前自同州破
回後連克臨潼三元涇陽其部將陶茂林解鳳翔圍曹克忠破賊邠
州於是陝回悉竄甘肅 上授曹克忠河州總兵擢陶茂林甘肅提
督而多隆阿移西安將軍十一月始圍盩厔焉

三年正月江甯圍急興安漢中寇悉衆赴援興漢郡縣俱復餘黨走
洵陽而藍大順亦悉衆保盩厔增城堅守多隆阿圍盩厔因 朝議
督責急日登望樓督戰賊鎗子傷目攻城益力三月克之藍大順率
敗寇竄興安爲民圍截殺傳首西安漢中時劉蓉亦定漢中聞之留
何勝必等軍分屯興漢而自來盩厔視疾多隆阿傷益劇月餘莫聞
者無不傷慟今陝西處處祠之而回則置酒稱慶云四月劉蓉晉省
受印 上詔專督陝西軍而以前遣援甘軍將雷正綰率陶茂林曹

克忠討甘肅回甘肅自來回漢雜居動相讐殺及陝西亂遣黨結煽於是河州回駱驛赴之虜掠財物比歸多爲漢民劫奪忿而相攻時總督熙麟駐慶陽而恩麟護總督印駐蘭州徂和養寇回益張甚會陝回爲多軍所敗竄清水華亭甘軍不能抵禦於是甘回讙起響應二年正月平涼回陷固原殺平慶涇道萬金鏞圍平原八月城陷九月南路回陷狄道圍河州十月北路回陷甯夏靈州先是甯夏道侯登雲知甯夏回變編保甲聯團練以備之將軍慶瑞偏信回目劾罷登雲散團防繳鎗矛漢民皆投械而泣及城陷回殺登雲屠漢民距慶瑞營數里慶佯弗聞回知其怯無能爲驟梯登慶壘搜括財物以歸而將軍無如何也 詔切責之發直隸兵二千赴援山東巡撫閻敬銘聞變遣千人援甯夏而陝甘正署兩督徒坐視張文報而已其雷正綰一軍前由永壽邠州長武破賊三年四月與陶茂林攻平涼

熙麟遣師會之五月克平涼撫回張保遜亦計收鹽關固原於是援甘之師皆奏捷而陝西洵陽寇當劉蓉晉省時敗竄鎮安衆僅千餘半羸弱無掩襲者適湖北各路敗寇來會衆頓數萬五月卒至鄂縣整屋分踞各峪西安大震劉蓉出省徵諸軍將蕭慶高何勝必曹克忠李雲麟黃鼎李百魁等會勦七月大戰於鄂寇不支乘夜雨風勁奪路翻山鳧水而奔降逃禽斬墜溺僅存萬餘入甘肅陷階州十月川軍將周達武等率九千人進攻階州徵蕭慶高黃鼎等會師四年正月胡中和以四川提督至階州督軍五月周達武隧道成轟圻數丈克其城於是陝甘之川湖寇黨盡平其雷正綰陶茂林兩軍上年八月攻回於秦安蓮花城陷伏敗還回復陷固原十月雷正綰曹克忠會克蓮花城克忠復鹽關進秦州茂林復金縣進蘭州十二月回陷靈臺殺知縣祝賓陽雷正綰復其城四年正月復固原乃以

陝軍將張集馨屯守爲固五月雷曹會規金積堡堡屬靈州號稱天險甘回馬化澁所踞也於是曹軍屯強家沙灣雷軍屯惠安堡距金積均十餘里六月屢戰失利方兩軍之深入也轉運不繼糧餉缺乏至煮草根桑皮爲食奸回聞之詐以麩相餉雜皮硝石灰其中食之立病且渠水鹹澀於是人馬踣斃相望而雷軍兵弁皆攜眷屬部曲不齊回乘之遂大敗曹軍因之亦敗雷軍退預望城曹軍退鹽茶廳詔贖其罪初 穆宗憂甘賊而諸將皆非任事才 特命楊岳斌以提督總督陝甘岳斌起水軍掃清長江自被 詔西征銳意滅賊是年四月莅甘而陶茂林軍潰安定茂林又丁艱 詔改署任提督善撫未潰諸營而相繼潰者不絕部下僅五營守城自保其潰勇十餘營東竄劉蓉徵諸軍分扼寶鷄整屋隴州鳳翔八月禽斬千餘人收撫五千有餘計譁變後五月始定未大定而雷正綰軍旋潰當雷

軍之變其部將雷恒與降回赫明堂爲首正縮涕泣勸阻不能止也
乃率未潰六營退固原固原陷退平涼弁兵藉口無餉姦掠燒殺而
潰勇竄擾東路自隆靜至省六七百里居民日夕數驚倉皇奔徙文
獻梗塞楊岳斌新平靖遠賊率軍旋省乃撥餉以濟雷軍而令部將
李助發楊明海分駐金縣靜甯隆德疏通驛路陶茂林以服歸於是
曹克忠授甘肅提督十二月楊岳斌奏言臣抵甘後糧餉兩絀原欲
就現在兵力以圖進取自陶茂林軍潰於前而兵不足雷正縮勇變
於後而兵愈不足是以不得已而有增兵之請今周達武因勦番匪
而不克來蕭慶高因防陝邊而不果來而鮑超則調赴江西矣李鶴
年則奏留江南矣蔣凝學則請假回籍矣金國琛則因事留皖一時
未能赴任矣鄰省既乏援師而東南各軍之准調赴甘者又復不能
應手現在河狄之賊擾於南平固之賊擾於東甯靈之賊擾於北涼

肅之賊擾於西幾於勦不勝勦防不勝防臣若株守省垣則飢軍終
虞坐困若出省勦辦則根本時虞動搖外察賊勢內度兵力實屬不
敷分撥請調湘軍將朱蘭桂劉連捷來甘助勦

五年正月楊岳斌自蘭州出巡諸軍二月抵慶陽適曹克忠撫定洮
州降回與楊岳斌咨商進止機宜三月而有蘭州督標之變初楊岳
斌以督標廢弛裁汰歸併短衣草履月六會操標兵徂於倫安且怨
總督給糧厚楚勇而薄標兵羣相指目時甘境荒蕪回窺總督外出
截阻運道於是省中糧斤易銀四錢餘標兵愈困王占鼈首先約十
八人瀝血飲酒謀變以索糧爲辭回兵馬文馬魁惡惠之逆謀既定
是夜後營倡亂前左中營響應皆集東門外馬文開城引入協署席
光斗以後營守備率衆刺傷中軍副將羅宏裕參將王金楷游擊李
玉安進圍督署天甫黎明署門未啓藩臬道府縣皆至方支吾間右

營突由西門登城遂踰牆排門入於是搜督協兩署委員幕僚親兵隨丁皆殺之剽掠遠近殺傷士民楊岳斌居慶陽聞變悲憤不食官弁勸赴涇州乃約劉蓉來會議而莊浪靖遠環慶隆靜之回又議起曹克忠議曰蘭州四面皆賊無糧可守爲今計宜姑置爲緩圖專用兵東北杜平固出竄之路通慶涇饋餉之途劉蓉偉其策奏入詔許之四月楊岳斌令曹克忠晉省撫定叛兵時劉蓉赴楊岳斌之約途中聞陝回崔三穆三由慶陽東犯隴州乃留駐乾州徵諸軍將蕭德揚邱時成劉厚基黃鼎會師連破之隴州鳳翔汧陽崔穆宵避五月劉蓉還西安崔穆復犯隴州而隆德靜甯各回皆附之六月劉蓉咨楊岳斌會勦岳斌前以劉蓉不克來會五月已還蘭州蘭州自督標變後糧價昂數倍飢民至殺人而食攜持子女投黃河死者不絕於路而倡亂各兵多遁匿北山留伍者半罷弱岳斌痛楚勇之被禍

也誅戮稍衆頗及無辜曹克忠遂告病回籍七月楊岳斌復出駐靜甯時隴州賊趨華亭八月甘陝軍會攻華亭陝回不戰遁分掠隆德靜甯固原平涼竄踞董志原原隸安化甯州鎮原北通靈州南達陝疆地平曠饒沃可耕可收回謀據爲老巢也雷正綰張在山軍攻之數不利回圍慶陽遣黨縱橫四出而飢民土匪竄起民匪者皆漢民也自回讐殺漢民官軍復苛派民糧民不能堪於是安化聚衆數萬搶劫公行高萬鑑董福祥爲之首蹂躪甘省之合水甯州正甯陝省之鄜州中部宜君甘泉三水安塞定邊保安膚施陝軍將楊得勝段登雲鄜太愚師久無功而各路叛兵潰勇皆附之陝北新起土匪復應之衆號數十萬勢張甚九月楊岳斌自蘭州陳情乞養詔慰諭之乃以一等恪靖伯左宗棠由閩浙移督陝甘十月西捻張總愚犯陝西自秦嶺入衆六萬時喬松年爲巡撫而劉蓉仍任軍事以蕭德

揚爲大將楊得勝譚玉龍劉厚基黃鼎鄒太愚劉玉興邱時成諸軍屬之十一月戰於鞏橋是日風雪晝晦士卒咫尺不能辨蕭德揚楊得勝戰死三十餘壁同時皆潰死者數千人捻乘勝圍西安糧路斷絕居民奔哭載道劉蓉革職放歸初蓉起幕僚任封疆爲政察吏愛民及其去陝民歎息謚思爲當西捻之入陝也大學士曾國藩奏以霆軍大將鮑超湘軍大將劉松山援陝鮑超率於東捻不克至獨劉松山率十七營以除夕抵西安

六年正月捻以湘軍新至來撲裨將張錫鏞戰死劉松山大破之二月累戰皆捷西安解圍於是捻與回合由鳳翔趨醴泉乾州咸陽三原富平蒲城同州三月劉松山率皖軍將郭寶昌川軍將黃鼎等或尾追或迎擊屢敗之四月又破之西安城南五月追擊之渭水南北初捻之入陝衆號六萬至是僅存其半與回分合不常勢漸蹙而甘

省賊勢日張官軍不能制六月 上以甯夏將軍穆圖善署總督楊岳斌回籍此勝保多隆阿劉蓉楊岳斌等軍征勦陝甘各寇事也

征西紀畧卷二

湘鄉曾毓瑜撰

陝甘靖寇記中

六年夏六月左宗棠以總督兼 欽差大臣督楚軍進潼關劉典以
三品京卿副之自荊紫關入高連陞以甘肅提督率八營自蜀河口
入七月劉松山等軍由興平追捻疊戰於蒲城富平三原捻自高陵
東竄追之未及左宗棠以官軍不能制寇由每出落後檄諸將繞擊
其前然亦未克大捷八月捻冒雨疾驅渡涇水而東自是大雨二十
餘日黃渭齊漲數丈軍弗克追時左宗棠駐臨潼所部皆步軍而捻
寇一人兼數馬飄忽無常九月雨霽左宗棠與諸將會議涇西於是
分扼要隘布置關鎖捻寇窺將大舉遂由白水竄陝北左宗棠檄劉
厚基自鄜州南下截之陝北州郡爲綏德延安鄜州榆林各屬羣山

盤繞回匪土匪出沒其間陝撫喬松年前以劉厚基七營進駐鄜州
勦滅安塞土匪張幅滿等數千人至是移勦捻寇捻寇竄踞宜川雲
巖鎮乃移屯甘泉與甘軍犄角遏寇突竄十月劉松山進中部後軍
將李祥和遇寇戰歿寇乘勝連陷綏德安塞延川陶茂森以延榆綏
總兵沈際清以綏德知州避寇米脂均褫革逮治慶陽回合趨汧隴
河州回亦由張家川犯陝陝甘將孫立士三營陷歿鳳翔戒嚴當是
時劉松山率萬餘人郭寶昌率三千劉厚基率三千餘人爲勦捻之
師高連陞率三千人屯宜君劉典率五千餘人屯同官耀州三水黃
鼎率三千餘人屯邠州爲勦回之師左宗棠督楚軍萬餘人分佈鳳
翔宜君渭南華州華陰臨潼策應各路十一月黃鼎等軍破回汧陽
鳳翔高連陞等軍破回宜君洛川劉厚基軍復延川劉松山郭寶昌
軍復綏德於是捻寇窺河冰已合且官軍逼近遂銳意渡黃河由宜

川龍王汕七狼窩乘冰竄入山西境連陷吉州鄉甯劉松山郭寶昌
渡河追勦之方擒寇之入陝也 朝議重山西以山西臬司陳湜督
辦河防至是革陳湜職留營効力又以山西毗連 畿輔 詔左宗
棠親往督師俟平擒後返旆西征十二月左宗棠自率五千人赴山
西奏劉典代督陝甘軍事時楚軍將劉端冕等破留陝餘擒於韓城
宜川郃陽甘軍將傅先宗王得勝克渭源鄧全忠軍潰西甯黃祖澄
戰歿肅州穆圖善以楊占鼐統肅州軍

七年正月劉典移駐三原調度諸軍二月喬松年免以劉典權陝西
巡撫回陷鄜州劉厚基復其城高連陞破回宜君傅先宗軍克狄道
三月董志原回分掠宜君三水淳化三原各路官軍先後破之甘回
陷鎮原慶陽官軍旋復之四月董志原回陷甯州合水別隊由寶鷄
渡河而南李輝武以漢中總兵軍寶鷄退之折而東走會魏光燾以

道員領軍至回遯甘境五月邠州守將譚玉龍戰歿亭口以黃鼎兼領其軍魏光燾勦餘捻於宜川攻下雲巖鎮俘斬五千餘人於是陝北捻黨俱盡六月中部回竄白水魏光燾要擊敗之回渡洛水乃與高連陞合追之七月及諸曹村截回爲三策回必趨宜君楊家店設伏以待回果至伏起斃二千餘人劉厚基收撫土匪扈彰二萬餘衆八月楚軍將劉倬雲破回三水都統金順破回綏德九月雷正綰破回靈臺成定康以綏德知州破回城下當是時陝回甘回土匪以甘中荒歉縱橫陝疆屯陝諸軍將回獨憚黃鼎見其旗幟輒卻避而高連陞魏光燾雷正綰周紹濂劉倬雲報戰轉多云十月左宗棠還軍西安方左師之東指也由山西馳駐直隸吳橋連鎮七年六月西捻平九月入 覲 加太子太保銜 賜紫禁城騎馬 上詢回賊以五年歲事對至此由河南還陝

八年春二月由西安進駐乾州徵諸軍將雷正綰黃鼎馬德順李曜南會師靈臺攻董志原克之收復慶陽鎮原陝回悉衆竄金積堡於是涇慶兩屬無賊先是左宗棠奏言甘肅之民初困於賊繼困於兵居不能安逃無可入請用趙充國金城屯田策以安難民濟軍食至是於涇慶設賑局招流亡墾荒地給牛種兵屯民屯交錯其中且戰且耕自後甯靈河湟平其屯墾賑恤視此前後數載民復其業軍資其糧而關隴以定故論陝甘功屯墾爲最時劉松山新授廣東陸路提督客臘奉檄由山西渡河進綏德旋進靖邊破土匪巢穴百餘所董福祥遂降衆十餘萬衆出降而令福祥抽選壯丁爲三營隨征効力其餘皆撫定安插之是年二月湘勇變於綏德方劉松山之入靖邊也留十營屯綏德以轉運軍火餼糧部曲散佈千有餘里謝永青唐太春者哥老會也煽誘駐綏弁勇襲踞州城劉松山聞變還軍清

湖其潰勇初惑浮言已而盡知其虛泊聞總統至則大喜反正縛謝永青等解赴青湖誅之計變起十二日而事定時高連陞軍屯宜君親兵丁玉龍亦匪首也約期作亂有令急捕之迺聚逆黨夜圍營帳殺高連陞及營官賀茂林黃毓馥挈衆趨同官守將桂錫楨擊走之復追勦於金鎖關米子窰會楚軍將丁賢發張福齊周紹濂至收撫千數百人捕丁玉龍誅之以各營分隸諸將四月魏光燾等勦逸寇於保安老巖窰克之而北山竄匪潰勇經官軍捕斬殆盡於是陝西肅清左宗棠進駐涇州規復甘肅自居中路以劉松山規甯靈爲北路李耀南吳士邁等趨秦州爲南路於是 朝廷詔令穆圖善甘軍聽左宗棠調遣穆圖善之權總督也楊占鼈署提督王仁和鎮涼州傅先宗屯南路頗號能戰然糧餉俱絀穆圖善專以撫議羈縻諸回所部百數十營皆徵糧民間清水守將敖天印以橫暴激變鄉民不

約而會者數千人逐防軍殺縣役左宗棠悉奏之兩軍閒相訾報故與總督齟齬至是李曜南等軍先後馳抵秦州左宗棠乃以傅先宗屯徽縣保運道魏光燾授平慶涇道屯慶陽周紹濂劉端冕屯合水雷正綰屯固原周蘭亭屯瓦亭黃鼎簡敬臨會勦靜甯莊浪土匪渠魁張貴號剛八者鹽茶廳人也始以兄讐倡亂攻踞靜甯水洛城莊浪威戎堡就撫於穆圖善已而復叛擾害會甯通渭秦安衆至二十有八營攻陷民堡百餘所至是黃鼎克威戎堡簡敬臨克水洛城剛八與其黨侯應德等走會甯自是中路無賊北路馬化澁者甘回新教巨魁也新教創始於乾隆開馬明心明心伏誅嘉慶間有穆阿渾者與馬化澁父馬二復以新教相授受至化澁而其焰大張自稱總大阿訇招聚黨徒時作譎謠無不奇驗愚回奉之若雷電鬼神莫敢有異其踞金積堡居秦漢兩渠間黃流分醴阻水自固方董志原陝